

Nikola Radovanović, ambasador BiH pri NATO-u

Male su šanse da do septembra ispunimo uslov

U NATO-u se provode aktivnosti koje su usmjerene na to da se sagleda šta dalje u svjetlu poziva BiH u MAP iz Tallinna • Generalni sekretar Anders Fogh Rasmussen uskoro bi još jednom mogao ukazati na značaj ispunjavanja uslova u svjetlu negubljenja koraka s državama u regionu, prije svega, sa Crnom Gorom

**Razgovara: Daniel OMERAGIĆ**

• Kako u Sjevernoatlantskom vijeću (NAC) ocjenjuju ono što je Bosna i Hercegovina uradila kroz Individualni partnerski akcioni plan (IPAP) u protekle dvije godine?

- U Bruxellesu je 14. jula održan sastanak između NAC-a i delegacije BiH, koju je predvodio ministar inostranih poslova Sven Alkalaj, povodom procjene implementacije IPAP-a. Utisak je da je iskazano zadovoljstvo država članica NATO-a stepenom ispunjenja programa. IPAP je dvogodišnji program i ima čitav niz aktivnosti u četiri oblasti. Naravno da ima i pojedinih pitanja koja su mogla biti urađena u većem stepenu, ali s obzirom na to da je riječ o prvom ciklusu ocjene su pozitivne. U svim oblastima koje tretira IPAP ima pozitivnih pomaka i ispunjenja pojedinih aktivnosti kako u političkom dijelu, tako i u bezbjednosnom, odbrambenom, vojnom i ekonomskom pa do informisanja javnosti i zaštite tajnih podataka. U svim tim oblastima najveći dio planiranih aktivnosti je u potpunosti ispunjen.

Doza razočarenja

• BiH još nije ispunila uslov, postavljen na neformalnom ministarskom sastanku u aprilu u Tallinnu za početak primjene Akcionog plana za članstvo u

NATO-u (MAP), o knjiženju perspektivne nepokretne vojne imovine na državu. Kakav je stav NAC-a o tome, jer septembar, kada započinju godišnji ciklusi MAP-a, se bliži?

- Uslov iz Tallinna je jedna od tema koja privlači pažnju u NATO-u vezano za BiH. U ovom trenutku preovladava mišljenje da je to, vjerovatno, jedno od najsloženijih pitanja s kojima se u ovom trenutku

vode aktivnosti koje su usmjerene na to da se sagleda šta dalje u svjetlu poziva BiH u MAP iz Tallinna.

• Da li će se NATO angažovati da pomogne BiH u ovoj situaciji pošto je očigledno da će teško doći do političkog dogovora? To je bio, ako se ne varam, i jedan od zahtjeva naše delegacije.

- Jeste. To je bio jedan od zahtjeva koji su i šef delegacije i članovi iskazali. NATO je to primio k zna-

cije rade na teškim pitanjima i nalaze rješenja prihvatljiva, prije svega, za nas u BiH. To je principijelan stav. Sa druge strane, u NATO-u smatraju da kroz fleksibilnost iskazanu u Tallinnu, pa i aktivnosti NATO-ovog štaba u Sarajevu u pomoći da se napravi pomak oko ispunjavanja uslova, već pomažu BiH. Ali, ostaje da čujemo kakav će odgovor biti vezan za inicijativu delegacije BiH iskazanu na sastanku 14. jula.

• Kako bi NATO sada mogao pomoći?

- Ne bih špekulirao detaljnije oko toga. Svakako da će javnost biti obaviještena oko tog stava. Međutim, NATO u ovom trenutku, sasvim sigurno, može doprinijeti na taj način da na visokom nivou generalni sekretar Rasmussen još jednom ukaže na značaj ispunjavanja uslova u svjetlu negubljenja koraka s državama u regionu, prije svega, sa Crnom Gorom, koja će početi MAP u ovom ciklusu u devetom mjesecu i da takav stav NATO-a nije u korist ili na štetu bilo koje strane u BiH. Dakle, moramo sačekati i vidjeti kakav će, zaista, biti stav NATO-a.

• Kada bi mogao stići odgovor?

- U skorije vrijeme. Vjerovatno početkom naredne sedmice.

• Kakve posljedice bi mogle nastupiti po BiH ako do septembra ne riješi pitanje knjiženja 69 perspektivnih ne-

pokretnih vojnih lokacija?

- Osnovna je stvar u činjenici da je uslov pretpostavka za otpočinjanje aktivnosti u okviru MAP-a. Bez toga nećemo moći odnose sa NATO-om podići na viši nivo i nećemo moći konzimirati u punoj mjeri tu činjenicu da smo pozvani u MAP. Tako bi neki od poslova umjesto sada otpočeli kasnije.

Obogaćeni IPAP

• Ukoliko se uskoro ne postigne dogovor, kako će izgledati naš dalji put prema NATO-u? Da li bismo u tom slučaju i dalje bili u MAP-u?

- Da. Bili bismo u MAP-u s tim da u praktičnom smislu ne bi konzimirali tu činjenicu. Od toga ne bi bilo praktične koristi. No, treba imati u vidu i činjenicu da ne bi bio prekinut i zaustavljen put prema NATO-u zbog toga što prije MAP-a Bosna i Hercegovina učestvuje u okviru Partnerstva za mir (PFP) u nizu drugih programa, od kojih je IPAP najkompleksniji. U slučaju ne ispunjavanja uslova, mi bismo u septembru bili u poziciji da, u dogovoru s NATO-om, pokrenemo drugi dvogodišnji ciklus IPAP-a, koji bi bio obogaćen nekim aktivnostima, u mjeri u kojoj je to moguće, koje su u okviru MAP-a. Na taj način bi se pokušalo umanjiti eventualno štetu zbog činjenice da nismo otvorili MAP. Po ispunjavanju uslova iz IPAP-a bi se prešlo u MAP.

Zatišje prije samita u Lisabonu

• Kada će se ponovo Bosna i Hercegovina naći na dnevnom redu NAC-a?

- Vjerujem da će do kraja septembra biti konstatovano da smo ispunili uslov ili da nismo. Postoji neka vrsta fleksibilnosti u NATO-u tako da je moguće da to bude urađeno i do sredine oktobra. Međutim, s obzirom na činjenicu da su tada izbori u našoj zemlji, procjene su da, ako se nešto dogodi, to bi se onda desilo do zadnje sedmice septembra. Sigurno je da će nakon toga, zbog unutrašnje dinamike u Sjevernoatlantskom savezu, nastupiti pauza zbog toga što se u novembru priprema važan samit NATO-u u Lisabonu, na kojem bi trebao biti usvojen novi strateški koncept Sjevernoatlantskog saveza. Prethodiće mu sastanci ministara odbrane i ministara inostranih poslova. Biće isto tako i važnih razgovora vezanih za ISAF tako da vjerovatno do početka naredne godine BiH ne bi bila jedna od tema.

susrećemo. Postoji i neka vrsta razočaranja zbog neispunjenja uslova pošto je u ovom trenutku neizvjesno da li će biti moguće otpočeti prvi ciklus MAP-a u septembru. Ja bih čak rekao da je dobar broj delegacija na poziciji da je relativno mala mogućnost da se taj uslov ispuni do tada. U NATO-u se pro-

nju. Generalni sekretar Anders Fogh Rasmussen je obavijestio delegaciju BiH da će oni to proučiti i obavijestiti našu stranu. NATO je u ovom slučaju - slično kao i sa pitanjima vezanim za učešće i stavovima o ustavnoj reformi - na poziciji da ne želi ulaziti u konkretna rješenja. No, želi vidjeti da institu-

**TAKOREĆI... SILNIJE**

Pripadnici policije RS-a su u prvih šest mjeseci ove godine primijenili sredstva sile u obavljaju dužnosti u 376 slučajeva, što je značajno povećane u odnosu na isti period 2009. Lani su se sredstva sile primjenjivala u 231 slučaju, podaci su MUP-a RS-a. U prvom polugodištu ove godine policajci RS-a su u 137 slučajeva upotrijebili fizičku snagu, u osam službenu palicu, a u jednom vatreno oružje, te sredstva za vezivanje. Istovremeno, evidentirano je 40 napada na ovlašćena lica, od kojih ih je 26 lakše je povrijeđeno.